

# الأغتسال قبل التطيب | الشيخ #محمد\_خيرى #رمضان #بين\_قدومه\_وقدومك\_إليه #اللقاء\_الأسبوعي

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل. واشهد ان لا اله الا الله وحده لا شريك له. واشهد ان محمدا عبده ورسوله وبعد طيب الله اوقاتكم. وأسأل الله سبحانه وتعالى ان يسد لنا وياكم لكل خير - 00:00:00

وينفع بنا وبكم حيثما كنا وكنتم لقاء جديد مع استعداد للزمن الفريد رمضان. نسأل الله ان يسد لنا وياكم لكل خير وينفع بنا وبكم ويأخذ بقلوبنا لحسن الوفادة على ربنا. هذا اللقاء - 00:00:23

سنتكلم فيه عن امر الاغتسال قبل التطيب الاغتسال قبل التطيب واحد رايح مشوار جميل رايح رايحة فرح واحد رايح يحضر حفل تخرج بلبس عشان يتجهز للعيد. اول حاجة بيعمل ايه؟ بيغتسل - 00:00:45

ولا بيحط الطيب الاول في ناس ممكن تحط الطيب الاول كده وتحط ايه؟ قرد مع اللي موجود اه بس دي ناس مش هينفع نعلق عليهم دلوقتي يعني. لكن الاصل ان الانسان - 00:01:05

بيغتسل قبل ان يتطيب. الاغتسال اولاً. نحن مقبلون. نسأل الله ان يبلغنا وياكم ما يحبه ويرضاه. مقبلون على ساحة الطهر قل لها ايام وسيدخل الكثير انا ان شاء الله الساحة الاطهر في العام هي ساحة رمضان - 00:01:18

هذه الساحة تحتاج الى تطهر تحتاج الى اغتسال وتطيب حتى تستمتع بها. فمن اهم ومن اوائل ما تتحلى به وينبغي ان تتلبس به ان تتلبس به النفس المشتاقة لهذه الساحة الطاهرة - 00:01:42

هي ان تتحقق بالتوبة. خاب وخسر من ادرك رمضان ولم يغفر له. كانه كان يقاوم المغفرة اه نحن موعدا الليلة ان شاء الله ان نتكلم مع الاغتسال من الاضرار. للدخول للزمن الزكي - 00:02:02

عن اول ما ينبغي ان يستعد العبد لرمضان به بعد توفيق الرحمن له هو التوبة. والتوبة دي حال ملازم للانسان معك من البداية الى النهاية. منازل السائرين الى الله دي منزلة وده مقام وده حال ما ينفعش ابدًا يفارق السالك الى الله سبحانه وتعالى. سيد العباد من؟ من هو سيد - 00:02:21

العباد محمد صلى الله عليه وسلم. كان النبي صلى الله عليه وسلم يلزم هذا الحال ابدًا. وكان يكثر من الاستغفار والتوبة في اليوم اكثر من سبعين مرة. وفي رواية مائة مرة صلى الله عليه وسلم. وكان الصحابة - 00:02:49

يا عبد الله ابن عمر وغيره. كان يحصي للنبي صلى الله عليه وسلم انه يطلب من الله سبحانه وتعالى التوبة في المجلس الواحد اكثر من مائة مرة ونادى الله سبحانه وتعالى امرا الناس وقال لهم وتوبوا الى الله جميعا. ايها المؤمنون - 00:03:10

فالله سبحانه وتعالى امرنا بالتوبة. طيب جميل موضوع التوبة ده. احنا عارفينه والدنيا كلها عارفة التوبة وكلنا بنتكلم في التوبة احنا هنعلق على حاجتين بساط جدا جدا. هذا المجلس الهدف منه ان شاء الله ان نجد معنى التوبة في قلوبنا - 00:03:30

اه نجد هذه العبادة في قلوبنا. لان التوبة دي درجات التوبة درجات. زي ما الاحسان درجات والحب درجات. فيه واحد بيحب ربنا حب عالي. فيه واحد بيحب ربنا حب جيد قوي. جيد متميز او جيد يعني - 00:03:50

ومرتفع واحد تاني بيحب ايه؟ حب متوسط. واحد بيحب حب منخفض. فالحب درجات والتوبة درجات برضو احنا النهاردة عاوزين نتكلم عن التوبة لعل الله يعلي هذا الحال في قلوبنا. طبعاً لما بنتكلم على التوبة بنقصد ان احنا عاوزين نتوب - 00:04:05

قدم توبة بين يدي رمضان وبين يدي مواسم الخيرات التوبة التي نعيها هي التوبة النصوحة قال الرب جل وعلا يا ايها الذين امنوا  
توبوا الى الله توبة. هذه التوبة وصفها الله بانها نصوحة. نصوحة من النصح يعني خالية من الخلل والعيب. خالية من النقص والعيب -  
[00:04:23](#)

يعني مستكملة الاركان. الذنب يسبق القلب بعمل ثقوب والتوبة ترفعه. ولذلك سميت الابرة المنصحة. الابرة اللي احنا ايه؟ بنخيط  
بها. ليه؟ لان الابرة ترقع السوب كذلك التوبة اذا كانت صافية تلمم هذه الرقعة فتجعل جدار القلب وثوب القلب نقيا طاهرا -  
[00:04:49](#)

طيب انا عشان اتوب التوبة النصوحة. التوبة عشان تكون صحيحة. محتاجة ايه هنتكلم في اركان التوبة الاساسية اصل الاركان ثلاثة  
كلنا عارفينها وانا عارف ان انتم عارفين وعارف ان اللقاء ده ممكن ما تستفيدوش منه كثير - [00:05:16](#)  
لكن هتستفيدوا منه ان هو مجلس لعل الله يذكركم في الملاء الاعلى بسببه. لكن كمعلومات ربما لا يكون فيه الكثير قلنا ان هي سلاسة  
اركان الركن الاول اسمه الندم والركن الثاني اسمه العزم او الاقلاع ثم العزم - [00:05:34](#)  
يبقى ندم واقلاع وعزم. اللي بيجمعوها في كلمة نفع النون ندم والقاف اقلاع والعين العزم. فلو ما حصلش الكلام ده تقع على طول  
فاسأل الله ان يسدنا واياكم. طب احنا بالراحة بقى اشرح لنا كل واحدة من دول ونجيها ازاى. طبعا الشرح لكل واحدة من دي -  
[00:05:55](#)

هتاخذ وقت كبير لكن هنحاول بقدر الامكان ندي اشارات لكل واحدة من دي عشان لو ربنا سبحانه وتعالى وفقك لهذه المقامات انك  
توفق لها طيب الندم بيكون على ايه؟ على ما فات ولا على ما هو ات؟ الندم بيكون على حاجة فاتت ولا حاجة جاية؟ الندم على ما -  
[00:06:18](#)

فات. طيب والعزم؟ العزم؟ على ما هو ات. صح؟ طب والاقلاع؟ على ما انا متلبس به اذا التلات اركان دي واحدة على الماضي واحدة  
في الحاضر وواحدة المستقبل جميل سهلة لغاية دلوقتي؟ طيب الندم - [00:06:41](#)  
كل واحد منا فيه طاقة ندم كل واحد منا ربنا خلقه ان هو لازم يندم هو كده زي ما انت لازم تاكل ولازم تشرب. جميل؟ كل واحد؟ اه  
كل واحد. الكلام ده انت متأكد فيه؟ ان شاء الله وهاديك امسلة - [00:07:03](#)

دلوقتي وهديكي فكل واحد منا بيندم. ليه؟ لان ربنا خلقني كده فطرة ربنا خلقني كفطرة وكاصل خلقة ان انا انسان مركب ان عندي  
شعور الندم موجود فاللي هيرحل الندم في الدنيا بيرحله لزرف لا ينفع فيه الندم. يا ليتني لم اتخذ فلانا خليلا. ده ندم - [00:07:22](#)  
بقى لان هو ما ندمش في الدنيا واخدين بالكلم لما رحل الندم هناك خلاص جه الندم اه فعلا فيه ندم اه حصل لكن الندم ده ما عدش  
نافع لانه ما ندمش الندم النافع بتاع الدنيا - [00:07:48](#)

جميل زي ربنا سبحانه وتعالى في يعني من انفس ايات ومن اكثر الايات اللي بتفتح النفس في التوبة. قل يا عبادي الذين اسرفوا على  
انفسهم ان لا تقنطوا من رحمة الله. ان الله يغفر الذنوب جميعا. يا عبادي هم قطعوا الصلة والله سبحانه وتعالى ما زال بيناديهم -  
[00:08:04](#)

بالايه؟ بالانتساب انهم ينتسبوا لها. وهم قطعوا الانتساب بينه وبينهم. وما زالك يدعوه. بيدعوا مين بقى اللي قاعدين بيحضروا  
مجالس علم اقرأوا القرآن وبتدارسوا كلام الرحمن ويصلوا على النبي العدنان صلى الله عليه وسلم وببر الوالدين ويحسنوا للجيران؟  
قال لأ. قال يا - [00:08:25](#)

عبادي الذين اسرفوا ليل نهار بعد عن الله. ليل نهار يعني مسيء الليل ومسيء النهار. اسرفوا على انفسهم بهدلوا انفسهم. خد نفسه كده  
كانه يعني غرقها ورخصها. وحطها في الوحل وانغمس فيه. ربنا بيقول لهم ايه؟ رغم - [00:08:45](#)  
وكل الطين اللي انت فيه ده واللي انت انغمست فيه لا تقنطوا من رحمة الله فيجي هنا الوقف واحد يقف كده يقول لي ايه وهو في  
عز الطين كده انت ما تعرفش زنوبي. او انا ليه ما اقنطش من رحمة الله؟ ان الله يغفر - [00:09:05](#)  
ذنوب عشان ربنا بيغفر الذنوب انت لا تقنط يا عم الشيخ يا حبيب قلبي انت ما تعرفش انا عملت ايه. انا زنوبي دي انت ما تعرفهاش

ده في زنوب ما تنفعلش تتغفر. قال لك جميعا يغفر الذنوب جميعا. طيب ليه؟ انه هو الغفور الرحيم. شفت الطاقة - [00:09:21](#)

الامل دي وفتح الشهية دي؟ اه انا خلي بالك هيجي وقت عليك لو ما حققتش التوبة اللي اول ركن فيها الندم ان تقول نفس يا حسرتاه الندم جاي جاي على ما فرط. فتب بدل ما يجي الوقت اللي تقول لو ان الله هداني. تب بدل ما ييجي الوقت تقول لو ان لي كرة - [00:09:43](#)

فالحق الباب مفتوح وكل واحد منا عنده طاقة وعنده يعني جبل على انه لازم يندم. فالي بيرحل الندم في الدنيا بيرحله لظرف لا ينفعه فيه الندم. عشان كده الان الندم في الدنيا دليل عليه. دليل على صحة القلب والعقل. دليل على صحة القلب والعقل - [00:10:06](#)  
ان العقل ده سليم وان القلب ده سليم. ليه لان هو لما وقف الوقفة ديت قال لك بس عشان ما يجيش ما يجيش اندم واقول رب ارجعون لعلي اعمل. انت لسه جاي تشتغل دلوقتي - [00:10:33](#)

لأ خلاص يبقى اول حاجة الندم قلنا الندم على ما فات. طب برضو وضح لنا شوية وحاول يعني تساعدني ندم بيجي ازاى؟ لان انا شخص ما بندمش بعمل المعصية ولا فارق معي - [00:10:48](#)

الندم ببساعدك في انك تجرد عارفين التجار يقول لك عندنا جرد يقول لك اليومين دول السنة دي بنجرب فاحنا عندنا جرد جميل الدرس ده هيساعدك ان شاء الله انك تتقن الصنعة صنعة التوبة - [00:11:02](#)  
اذا يعني وفكك الله سبحانه وتعالى ووقفنا وايك. فبنتكلم على الندم اول ركن اللي يساعدني في الجرد اجري دي اجرد الايه؟ الغبن. عارفين يوم القيامة اسمه يوم التغابن. يعني ايه يوم التغابن - [00:11:19](#)

ندي مسال يتضح به الحال لعلي يتضح به الحال. تخيلي اغلى قطعة ذهب عندك في البيت تخيلتها وانت تتخيل يعني اغلى جهاز محمول عندك في البيت سواء بقى تابلت موبايل لاب - [00:11:34](#)  
تخيلت الحاجة دي دلوقتي قدامك تخيلت قطعة الذهب السبيكة اللي انت كنت عيناها للزمن الساعة الالماز الاحجار الكريمة الجميلة المهم حصلت منك غفلة لمدة ساعة سرحت ابنك خد الساعة دي خد الموبايل خد السبيكة خد الحاجة الغالية دي - [00:11:51](#)

وكان نفسه يشتري وجبة كشري من المحل اللي فتح جديد تحت البيت ما ييقاش معه فلوس او يشتري آآ كرسي للعجلة بتاعته وراح باعها بخمسين جنيه عشان يجيب الكرسي ده والجرس بتاع العجلة او يجيب وجبتين الكشري - [00:12:14](#)  
ايه اللي حصل؟ يقول لك الولد ده اتغبن. يعني ايه اتغبن؟ باع اغلى شيه بارخص تمن باع اغلى شيه بارخص تمن اغلى حاجة معك رأس مالك البشري وجوارحك. النعم اللي ربنا اداها لك - [00:12:33](#)

في واحد يبيبعها برخص التراب ببلاش. ابنك هنا شيله من المسال ده وحطه جوارحك. عينك ودنك قاعد ياخذ انفس حاجة وببيبعها بالرخص. يبيبعها بالرخص. استحضار الغبن اللي فاتك والغبن اللي انت وقعت - [00:12:52](#)  
فيه يديك عصرة الالم اللي هو الندم. لان الندم عصر للقلب انك تتذكر ايه اللي فاتك من نور الطاعة انك بعت الغالي بالرخيص بعت الانس بالوحشة بالانس بالله والانس بمراد الله - [00:13:12](#)

والانس بالصالحين والانس والسكينة بالطاعة بعت الكلام ده بايه بعتوا بالوحشة سبحان الله! بعت السعة والانشراح بايه؟ بالضيق والضنك انتم عارفين كلمة اه له معيشة ضنكة الضاد دي ضيق سبحان الله والكاف دي كاف الكبد والكرب والنون نون دائما الندم - [00:13:30](#)

ضنك حياته كلها في مشاكل هو باع السعة باع الانشراح بايه بقى بالضيق والنكد والضنك عافانا الله واياكم. باع الامن بالخوف باع انه يعيش مع اسماء الله الحسنى وجمال اسماء الله الحسنى. ويعيش مع افعال الله - [00:13:57](#)  
باعها بايه باع نور اسماء الله الحسنى به بعدني يعيش مع شعور الحب وشعور الشوق والوجل باعه بايه سبحان الله! لان القلب ده وعاء القلب ده وعاء كلما دخل له نور - [00:14:19](#)

كلما ازال الظلام كل اما نور بيدخل كل اما فيه قدر من الزلام ييمشي والعكس بالعكس فانت بعت القرب بايه الندم بيجي بالطريقة ديت انك تتذكر الغبن اللي فاتك اوعى تكون بتذكر الغبن الدنيوي - [00:14:38](#)

يقول لك ياه فاتنا كثير لما ما حولناش فلوسنا لدولارات او سبيكة ذهب او جنيهات ذهب. انتم شايفين الدنيا بيحصل فيها ايه؟ الله يسامحه بابا لما قلت له فقاعد بيندم - [00:14:57](#)

وبيستحضر الغبن على الدنيا طب والاخرة؟ طب والاخرة ايه الاخبار فالندم الندم ده عشان ييجي انك تجرد الاشياء اللي انت بتخسرها ان راس مالك بيضيع فالركن الاعظم من التوبة بيجي - [00:15:07](#)

بيجي امتى؟ لان النبي صلى الله عليه وسلم اعلم الخلق بربه قال لنا كلمة جميلة. قال الندم توبة الندم يعني كأن الندم هو مفتاح التوبة. هو اقوى شيه لما بيجي كل حاجة بتيجي - [00:15:27](#)

لما تقف كده مع نفسك وتيجي تشوف وتقف مع المعصية وتعرف ان اول حاجة وانت بتندم معها وبتشوف المشهد وانت بتقرأ او بتعرف كلام الحسن البصري له كلمة جميلة بيقول ايه؟ فعصوه - [00:15:41](#)

ولو عزوا عليه لعصمهم يا على الكلام! الكلام ده بي فوق احنا محتاجين يا جماعة احيانا في حد تواصل معي مرة. حاولت اكلمه كلام كثير. ما فاقش. فانا قلت له انا هختم كلامي بكلمة واحدة - [00:15:58](#)

لو ما فقتش بالموعزة واحبك الله فسيأتي بقلبك بصدمة لو ما فقتش بالمواعظ والمقاومة والمجاهدة هتيجي لو هو بيجبك بس هتيجي بصدمة. احيانا كده عارفين الحصان يبقى ماشي قاعد بيهزر. ايه اللي يحصل - [00:16:15](#)

بيجي الراجل يروح ماسك الكبراج مدي له واحدة يتحرك صح؟ يفوق ينشط احيانا البعض عاوز صوت يفوقه الصوت ده هيكون ايه؟ الله اعلم. هناك من يأتي بالاشواق وهناك من لا يأتي الا بالسلاسل والاشواك - [00:16:35](#)

في ناس بتيجي بالشوق وفي ناس بتيجي بالشوك عافانا الله واياكم فاما تيجي بعطايا المنن واما تيجي بسلاسل المحن. المهم في كل الاحوال انك جيت. فالحسن يقول ايه بقى؟ هانوا عليه - [00:16:56](#)

فعصوه ولو عزوا عليه لعصمهم لو عزوا عليه لعصمهم عشان كده اللي بيعتصم بالله فقد هدي فانا لما بتفوتني الهداية وانا ما اعتصمتش به ولا ايه فاوول وقفة مع المعصية تديك الندم اذ خالك الله - [00:17:13](#)

والوقوع فيها ولو عصمك ما وجد الذنب اليك سبيلا طبعاً كلامي ده محمول على العصاة المصرين المسرين. اما الذي يقع ويقاوم الكاره هذا له شأن اخر. ساتكلم عنه. فالندم ده يخليني اندم. ياه! انت انت بتخسر علاقة مش علاقة مع محمد - [00:17:34](#)

ولا علاقة مع حد بتحبه ولا ان في واحد بيعمل لك بلوك من الناس اللي بتحبهم قوي وبتاخذ ارائهم واللي هو واخذ صورة عنك معينة لأ انت بتخسر علاقتك مع مين؟ مع الله سبحانه وتعالى - [00:18:01](#)

عشان كده الموقف ده اما تعيشه بتلاقي نفسك ايه فيه انكسار في زل لا تظن ان العدو غلب ولكن ربما الحافز اعرض اوعى تكون فاكر ان الشيطان بيكسب لأ انت كان بينك وبين الزنوب دي حجب كان فيه ستاير كان فيه ستارة كان فيه حيلة كان فيه -

[00:18:15](#)

باب فلازي من حديد ايه اللي حصل اوعى تكون فاكر ان الشيطان عدى وعرف يخترق ولكن الحافظ اعرض فده يخليك تندم يخلي الندم يزيد عندي. هو انت ناوي تخلينا نندم ولا ايه؟ اه يا عم ايه المشكلة؟ ما تخليك تندم. ايه المشكلة انك تندم هنا عشان تفرح

هناك؟ من الاشياء اللي - [00:18:37](#)

اعدني في الندم ان المعصية قبيحة في الاصل. انا يعني هقول كلمة كده محتاج ان انا اقولها يعني مؤخرًا في الفترة الاخيرة واحيانا حتى انا اقع في ذلك يعني احيانا في الفترة الاخيرة بسبب الانشغال شفقة على العصاة ونحن اولهم - [00:18:59](#)

الانسان بيعلي اوي اوي الكلام بطريقة معينة في التوبة بطريقة ما قد لا تهيج العاصي ان يعود يقول لك لا يا عم سبحانه الله الشيخ طمنا. الشيخ طمنا هنتقابل امتى بقى النهاردة - [00:19:20](#)

يعني ايش يخطب منا وهنتقابل امتى النهاردة؟ انت بتتصل بها تقول لها الشيخ طمنا! يعني انت حاضر انت وهي تدرس. عشان تقول لها الشيخ طمنا فاحيانا بيحتاج ياخذ باله ان الغفور الرحيم هو عدل - [00:19:37](#)

سبحانه وتعالى ومن عدله ان يقتص لاولياء هذه الفتاة ما هي البنات اللي ماشية معك في الجامعة دي اوليائها لهم حقوق ولو هم

تبسطوا في حقوقهم وتنازلوا عنها. المسلمين لهم حقوق يا سيدي - [00:19:52](#)

فاله سبحانه وتعالى عدل فلا بد انك تبقى وانت او انت بتعبد ربنا تدرك انك تعبد من قال للنبي نبى عبادي اني انا الغفور الرحيم بس احنا مش بنقرأ الاية دي وبس كده لا كمل الاية وان عذابى - [00:20:10](#)

العذاب برضو فما فيش مغفرة بس لا في عذاب العذاب ده لازم تبقى انت مدركه مش مدركه عشان في الاخر انت تتربع. واتدرك مرعوب. وانا مش عارف ايه. ومش عارف انام ومش عارف اعيش. لا لا - [00:20:30](#)

اه الاية مش ده المقصد خالص ومن عذابى هو العذاب الاليم مش ده المقصد. امال ايه المقصد المقصد انه يقول لك هو مغفرتي اه عالية قوي بس انتبه اوعى الباب ده يخليك تسرح. كما تجد في بعض الايات واتقوا النار التي اعدت للكافرين - [00:20:47](#)

الناس والحجارة اعدت للكافرين. طيب انا ايه علاقتي؟ هو بيقول لك خلي بالك هي اعدت للكافرين بس انت ممكن تتلظ فما تسرحش ولزلك من مقاصد ذكر النار بالكتاب والسنة ان الله يخوفك بالنار ليه؟ رافة منه ورحمة. فييحذرك الله منها له رافة ورحمة.

يعني ايه رافة ورحمة - [00:21:09](#)

يعني كأن القرآن يقول لنا هذه النار التي فيها السعير هذه النار التي فيها سياب من قطران. هذه النار التي يسترخون فيها. هذه النار التي يغلق عليهم بابواب مؤصدة انتبه لا تليق بك فلا تتلبس باشياء تدخلك اياها - [00:21:32](#)

فهذا المكان لا يليق بك. فعمال تقرأ الايات النصوص دي بالطريقة دي بتلاقي نفسك جميل تلاقي نفسك بتنطلق وتستعيز من النار. فمن الاشياء اللي تساعدك قلنا انك تاخذ بالك اه انك تعلي وتعمل جرد للغبن. ايه اللي فاتك - [00:21:55](#)

ايه الاشياء اللي تساعدك في الندم اللي تساعدك في الندم انك تشوف النعم اللي فاتتك شف نور الاسماء والصفات نور الطاعة انشراح الصدر السكينة الطمأنينة الهدوء راحة البال كل دي فاتك بالمعصية - [00:22:14](#)

هتندم لما تندم تبدأ تستدرك وتتمكن من هذا الامر انك تشوف المعصية ان ان يوقعك فيها او تركك خلى بينك وبين المعصية ولوعيه عزوا عليه لعصمهم سبحانه وتعالى. من الاشياء - [00:22:28](#)

ان المعصية تساعد على الندم ان المعصية يا جماعة قبيحة في الاصل. كل المعاصي في العقل السليم قبيحة. آآ ارتكاب الفاحشة كل شيء. سبحان الله! لو تأملت نهى عنه الشر - [00:22:44](#)

فهي قبح على قبح. المرأة اللي بتنظر في الفضائيات ديت ولا بسة كأنها يعني لم ترتدي شيء. كسعرها. كما ترستها عيون كم لمستها ايد؟ كم وكم وكم؟ صح وفي قبح انك تسأل نفسك سؤال - [00:22:56](#)

ما الذي جعلك تستحسن القبيح؟ ايه اللي خلاك تستحسن القبيح؟ ايه اللي خلاك تستحسن الشيء الوسخ وتقبل القبح انعكاس الفطرة يا سيدي فدي وقفة تخليك تزدري النفس دي ده هو انا اتقلبت ليه كده - [00:23:15](#)

هو انا ليه بقيت بشوف الحاجة دي يا جماعة في قاعدة عند اهل السلوك ان الاعتراف يمحو الاقتراف ويمنح الاغتراف عما تعترف الاقتراب بيزول والاعتراف ببيجي بقى تبدأ تقترب معاني طيبة خالص. فالباب ده تاخذ بالك - [00:23:32](#)

ركز معي فايه اللي يخليني انا استقبح الحاجة دي فنسأل الله سبحانه وتعالى ان يطهر قلوبنا انك تدرك ان القلب بقى بيتعلق بالزنب ليه كده بدل ما كان بيتعلق بالطاعة - [00:23:55](#)

بدل ما يتعالج يتعلق بالطاعة تيجي تقول لواحد مدخن بطل ساكتين يقول لك مش قادر. والتانية بتسأل والتدخين ايه اللي فيه؟ اشمعنا هو بيشرب خلاص يبقى حرام على الكل. اشمعنى هو؟ فسبحان الله! ايه التعلق ده يخليك تندم - [00:24:09](#)

يخليك تندم انك تبقى فرحان قوي اما بتظفر بالزنب. عشان كده فرحك القلبى ده عن ما بتخلو بالزنب ربما يكون اكبر من الزنب زي ما بنعمل عباس بيقول انك بتفرح ان ربنا يعصى - [00:24:25](#)

انك سعيد انه بيحارب شرع الله يعني وانت قاعد عمال تتفرج على مسلسل في في ليالي رمضان بيتهكم على اهل الديانة ولا في منازل كاسية عارية انت فرحان انت مبسوط - [00:24:38](#)

انت منتشي لهدم حرمانات الله كيف ينظر الله اليك؟ انت ليه فرحان بالموضوع ده الفرح ده شيء في القلب معصية خلي بالك عشان



كده بنقول ان اول حاجة الندم. الكلام اللي انا قلته ده يساعد اكيد على الندم. واللي ما يساعدش - [00:24:52](#)

الكلام ده يساعد على الندم ولا ما يساعدش على الندم؟ يساعد على الندم. يخليك قاعد تحسبها. ايه اللي يفوتك؟ وايه اللي يخليك تتدم. ويا جماعة احسب خسايك الاخرية وبعد كده دور على الخسائر الدنيوية. الحاجات دي تخلي الندم يفوق. لان يا جماعة الندم ده - [00:25:13](#)

زي الطفل لو ما اتولدش ما فيش صراخ ما فيش اكل وما فيش شرب ما فيش حياة. جميل؟ الندم ده فين؟ لازم يبدأ الاول عشان كده ترك الزنب ليس توبة. ترك الذنب من اركان التوبة لكن ليست الاساسية. الركن - [00:25:32](#)

المركزي الندم الركن المركزي الندم الاقلاع اللي هو الترك يعني لا شك هو شيء طيب. عشان كده يا جماعة الاولاد اللي لما تيجي تحكي بقى تقول لهم ايه؟ عارفين واحنا في الجامعة انا وباباكم ده ياما عملنا حاجات باباكم ده كان الله - [00:25:52](#)

ايه بقى كان شقي ما شاء الله عليك انت بتقولها وانت مبسوطه اوي يعني انتي انتي واخدة بالك ان دي كانت معصية ولا ايه هو

انتى فاكدة ان الزواج يهدم ما كان قبله؟ - [00:26:09](#)

الزواج لا يهدم ما كان قبله. الزواج ليس توبة فهمتم؟ لان بعض الناس يبقى ماشي لا انت لازم تتوبي بينك وبين ربنا تندمي على

الحاجات اللي كنت بتعملها معه. بتندمي على كل وقفة كنت واقفة - [00:26:19](#)

بالجمع من ورا اسرتك او بازن اسرتك. اوعي تكوني فاكدة ان الكلام ده وانت قاعدة اومال تتعدي الحدود الشرعية وانت وخطيبك

وتقولي ايه؟ كله سيجب بالتوبة اه يجب عند مين؟ عند مين - [00:26:34](#)

في صحيفتك؟ لأه طبعا من سنة الفين وعشرة لالفين واتناشر كان في سنتين هنا كان في تواصل غير منضبط شرعا. السنتين دول اخبارهم ايه؟ فيهم توبة ولا ما فيهمش توبة؟ خلاص بقى يا شيخ ما ربنا غفور رحيم واحنا اتجوزنا بقى. اتجوزتوا ايه؟ انتم الفين -

[00:26:47](#)

طاهر عملته طاعة عملته حاجة مباحة اتجوزته ايوة قبل السنتين دي عملت ايه فبقى خلاص احنا تبنا بقى لأ انت مش توبتي حضرتك

انت مش توبتي ولا حاجة وحضرتك ما تبتش ولا حاجة - [00:27:05](#)

هو الزمن جابك في حنة تانية فالطبيعي الطبيعي. يعني كانوا في اتنين بيسرقوا كل يوم بيسرقوا من سوپر ماركت والمحل. وبعدين في يوم من الايام والدهم مات فورسه مال كبير. فقال لي خلاص بقى احنا معنا فلوس. نسرق ليه؟ هو تاب! هو ما تابش! هو ما تابش

على اللي - [00:27:19](#)

طب والحل؟ انت لازم تتوب. طب واعمل ايه عشان اتوب؟ ما هو قلنا بقى اول حاجة في التوبة ايه؟ الندم. اللي انا بندم جميل؟ ان

اول حاجة الندم. وعرفنا يعني ايه ندم وان الندم ده مش كلمة كده بالبوق وخلاص والكلام ده كله. طب معلش يعني انا مش عارف -

[00:27:38](#)

احضر المعاني دي ومش عاوز اندم استحضري ان العالم كله يعرف وزوجك يعرف واولادك يعرفوا والشارع كله يعرف وان سيرتك تكون على كل لسان ده يخليكي تتربعي وتندمي. ماشي؟ هي طبعا درجة اقل بكتير. لان مقام الخلق اعلى من مقام الحق في قلبك -

[00:27:55](#)

بس ده هنقول ما فيش مشكلة حاليا لان القلب شبه بيحتضر. فهو مش قادر يبص فالمعنى ده لازم تبقى مدركه كويس اوي وخلي بالك اللي ما بيتوبوش دول يا جماعة. طبعا احنا كلامنا كله على مين؟ على اللي بيعمل الزنب ومكمل ومش عاوز يتوب. الناس اللي

بتوب دول ربنا - [00:28:16](#)

دول بختهم دول دول ربنا بدل حسناتهم سيئاتهم حسنات. دول ناس عالية قوي دول مالنا ده احنا بس ربنا يرزقنا ايه؟ مسلهم يعني

دول ناس آآ خلاص اخدوا فرح الرب جل وعلا - [00:28:37](#)

لكن نحن نتكلم على مين اللي مكملين اللي مش فارق معه عشان كده ابن الجوزي كان له كلمة جميلة جدا. بيقول ايه؟ قد يؤخذ

الظالم بالحجر الدامع. في حجر كده قوي يدفعه ويدمغه. فالناس - [00:28:49](#)

فين واي دا كان كله بيقول ربنا شاهد علي وربنا وربنا وانا بحب ربنا وبصلي والكلام ده كله طيب وكان بيحفظ ولا مش عارف ايه.

فيقول الناس لما وهو رجل صالح فيجيب لسان القدر حدود لذنوب خفية صار استفأؤها زاهرا - [00:29:05](#)

اه الكلام ده عالي قوي قوي. ومن الكلام اللي هو ايه الصوت اللي بيحرك القلب. يعني ايه الكلام ده؟ الناس تقول ايه البلاء ده جاي

منين؟ لا لا ده حسابات بنخلصها بس. دي كانت سرية فنخلصها في العلن - [00:29:25](#)

طب انا مرعوب وخايف خلاص تب يا سيدي مش عندك استعداد تدفع الفاتورة دي طب ما تخلص دلوقتي وخلاص سبحانه يمهل

وكأنه يهمل. فترى ايدي العصاة مطلقة كأنه لا مانع - [00:29:39](#)

هي حاسة كأنه ما فيش مانع لو زجر ولم تهدى كده العقول وترعوي واخذ اخذ جبار. انت فاكر يا جدعان! بصوا يا جماعة! امرأة العزيز

دي ست عالية قوي يعني في التقفيل ده امرأة العزيز جاءت مسيطرة على كل حاجة. ما دام مسيطرة على القصر والكلام وبتاع

والقصة دي كلها. عملت ايه؟ نزل - [00:29:54](#)

مش اغلقت لا قفلت البيبان بدل القفل واحد واتنين وثلاثة واربعة وعشرة. ومش الباب الاولاني والثاني والثالث والرابع والعاشر اغلقت

كل الابواب صح؟ لكن ما سابتش باب فيه باب ما عرفتش تقفله وهو باب السماء. ايه باب السماء ده؟ ده الباب اللي احنا كلنا اتفرجنا

منه على القصة. او انت عرفت القصة منين - [00:30:17](#)

من الباب ده لان العاصي اللي مكمل في الطريق واللي قاعد بيتفق معها على ايه يقول لك لا بلاش التليجرام اصل البابا متابعني. وماما

هتلقط الفيس واخويا هياخد باله من اشعار الواتس. فانت يا نجم هتجيبها منين؟ يقول له قابلي مش عارف على ايه. تطبيق ايه؟ يا

مسكين - [00:30:42](#)

انت الان كانك تفعل هذا في بيت زجاجي. عارفين البيت الزجاجي؟ هي كده ده احنا يعني احنا سبحان الله من الحاجات اللي قربت

لنا المسافات الكاميرات الخفية. فيه كاميرات كتير احنا ما بنشوفهاش في الدنيا اهو - [00:31:02](#)

ويقول لك ايه ده طلعه كاميرات ومش عارف فما بالك بقى عالم الغيب والشهادة! الغيب والشهادة عنده يعلمهم واحد ده انت بقى

قاعد عمال تقفل على مين؟ لا لا انا زوجي مش هيعرف - [00:31:18](#)

لا لا انا بابا مش هيعرف. لا لا انا اخواتي مش هيعرفوا. انت يا نجم يعني مطمئن ليه يعني؟ هو انت فاكر ان الرب جل وعلا اذا اذن

الموضوع ده هيدنو كده ولا ايه ده هو لا يا شيخ لا لا الله يكرمك - [00:31:33](#)

ربنا غفور رحيم. ايه الكلام اللي انت بتقوله ده وهو الغفور الرحيم ده سبحانه وتعالى كم سترك؟ وكم ارسل اليك من يعني يساعدك

وكم رؤية شفتها ترشدك؟ وكم وكم وكم وكم وكم؟ عملت ايه بقى - [00:31:47](#)

خلاص بقى بما انك مصمم على الكلام ده. وناوي تكمل في الحنة دي قابل بقى الله سبحانه وتعالى الجبار يأخز واذا اخذ الجبار مين

هيقدر بقى يقف اوعى تكون فاكر الموضوع لما يتكشف خلاص كده. طب افرض اتكشف اعمل ايه؟ هقول لك من فضحك -

[00:32:06](#)

قادر على ان يطلق اللسنة في الثناء بك عليك والمدح لك. هو مين اللي كشفك الله صح هو قادر ان يطلق جميع اللسنة ان يثنوا

عليك. عشان كده خلص فوق مش تحت. ما تكونش دايم مشغول ايه؟ انا عاوز بس ان اهم - [00:32:29](#)

حاجة ان ان بابا مش هيعرف اهم حاجة ان زوجتي ما تعرفش اهم حاجة ان ماما ما تعرفش اهم حاجة ان زوجي ما يعرفش عشان

هيطلقني هو ده اهم حاجة عندك؟ انت لسة سكران سكر الشهوة متفرتكك - [00:32:49](#)

فيبقى نرجع ونقول ان اول حاجة الندم وعلى فكرة الدرس النهاردة شديد قوي ربنا يسامحك والله لا شديد ولا حاجة يا جماعة ان

شاء الله مش شديد ولا حاجة. ده بالعكس ده هيكون ممتع لك باذن الله. يبقى الندم ده اول حاجة. ثاني حاجة الاقلاع - [00:33:04](#)

الاقلاع يعني الاقلاع يعني المغادرة الاقلاع يعني المغادرة يقول لك يعني اربط الحزام عشان نطلع احنا هنسافر خلاص الطيارة

هتتحرك يعني ارتفع فوق الحضيض يعني اسمو بقلبك سياب الارض اخلع الاقلاع دايم تربطه باعتزال البيئة. عارفين قصة الرجل اللي

قتل تسعة وتسعين وبعدين كمل بالشيخ - [00:33:21](#)

اللي قتل الامل في قلبه قال له انا لي توبة قال له لأ ده انت نجم كبير قوي. او في حد يعمل كده يا عم تسعة وتسعين واحد قتلتهم. الله يكون في عون اللي عنده دلوقتي عاهة في رجله ولا اللي - [00:33:49](#)

ده انت تقريبا بتنيهمهم من قبل الظهر. فقال له لأ توبتين. اللي زيك يتوب ازاي؟ فقال له انت تقتل الامل عندي! انا عندي بصيص امل. لأ ده انا هذبك اللي زيك ما ينفعش يعيش تاني ويفتي بناس. يا سبحان الله! فعمل ايه - [00:34:01](#)

قتل الراجل فكمل به النية راح لواحد فاهم يفهم عن الله ومراد الله ويفهم النفوس. فقال له ايه؟ قال له اخرج من ارضك وروح اعبد مع واخرج للقوم الصالحين دول - [00:34:17](#)

واعبدوا الله معهم. عاوز يقول له ايه يعني من الاخر؟ طبعا القصة كلكم عارفينها وتشرحوها احسن مني الفكرة فين؟ بيقول له غير المناخ اغير البيئة غير البيئة البيئية لازم تتغير - [00:34:31](#)

فاكرين القصة اللي حكيتها لكم من شوية وقلت لكم اغلى حاجة عندك سبيكة الذهب فاكرينها ولا نسيتموا سبيكة الذهب؟ فاكرين سبيكة الذهب اه سبيكة الذهب اللي كانت في ايدك دي اغلى قطعة ذهب عندك. سبيكة بخمسين. خمسين جرام ولا اي حاجة. السبيكة ديت بقى او الميت جرام - [00:34:46](#)

حاططها في جيبك وانت ماشي. فعديت على مية مجاري فالسبيكة دي وقعت في مية المجاري. رحنا عملنا ايه؟ خدناها من مية المجاري وجبنا مية من مية المجاري ننصفها. ايه اللي هيحصل فيها - [00:35:06](#)

ايه اللي هيحصل في السبيكة الجميلة دي مش هتنصف. ليه يا عم؟ ده انا بحط عليها مية. مهما صببت عليها من الماء الذي حولها لن تتطهر. لكن لو صببت عليها قليل من الماء يطهرها. قليل من الماء بعيد عنها. كذلك انت - [00:35:21](#)

انت مصممة تكلمي مع الايه مع الفئة البعيدة اصحابي وما ينفعش اسيبهم. اصحابك ايه يوم القيامة هتتبري منهم يوم القيامة ده من اسماء يوم القيامة يوم التناد من اسماء يوم القيامة يوم الايه - [00:35:41](#)

التنادي. يعني ايه يوم التناد؟ يعني كله بينادي على كله. وكله بيتبرا من كله. ما فيش حد عنده استعداد ان يحاسب على مشاريع الثاني صح كله بيقول لك لأ انا ما ليش دعوة بحد ده بيقلت من ده وده بيقلت من ده - [00:35:59](#)

عشان كده تشوفهم في القرآن وكل واحد بيحاول بقدر الامكان يبعد ويشيل اصحابه ايه المشكلة؟ ويقول لهم لا مش انا الموضوع كان عندكم انتم انتم اللي كنتم عاوزين تفسدوها انتم اللي كنتم عاوزين تخربوها - [00:36:17](#)

مش بتقرأه كده في القرآن وتشوفوا الناس دي نسأل الله العفو والعافية وكل واحد من التانيين قاعد بحسب اه فخلي بالكم خلي بالكم ان يوم القيامة الناس هتتبرا من بعض - [00:36:35](#)

هتتبرا من بعض. هتيجي تقول لا انت اللي ضلتي. انا يا عمي ضلتيك في ايه يا عم انا جيت ناحيتك ولو ترى اذ الظالمون موقوفون عند ربهم يرجع بعضهم الى بعض القول. يقول الذين استضعفوا - [00:36:53](#)

للذين استكبروا لولا انتم لكننا مؤمنين. ربنا يسامحك. لو مش انت كنت انا زماني في حنة تانية دلوقتي كنت زماني مع مصعب بن عمير. الزين استكبروا هيسيبوهم؟ لأ طبعا. قال الذين استكبروا للذين استضعفوا ايه؟ انحن صدناكم عن الهدى بعد اذ جاءكم؟ ده احنا ياما رابط زوم جا لك - [00:37:08](#)

فيديوهات جات لك انا اللي صديتك لا بقى بالمناسبة بل كنتم مجرمين. انت كنت اصلا مجرم. انت فاكر ايه! ده انا انا اكبر منك اه بس كنت لقط الاجرام في قلبك فبيقولوا لهم بل مكر الليل والنهار استأمرونا ده انتم ضيعتونا. فقالوا له ايه بقول لك ايه بقى واسروا الندامة لما رأوا العذاب قال له - [00:37:28](#)

وكله داخل. خلاص احنا كلنا هنخش وكله هيتحاسب. فمش وقت اللي احنا ايه نعلي على بعض عشان كده يوم القيامة ربنا بيحكي لنا مشهد جميل قوي بيحصل بين الاصحاب ايه المشهد ده؟ يوم القيامة في ناس تخش النار - [00:37:48](#)

ويتقال لهم ايه؟ هذا فوج مقتحم معكم لا مرحبا بهم. انهم صالوا النار. فيردوا على بعض دول داخلين على دول كما قال الله كلما دخلت امة لعنة اختها. كل اما مجموعة تخش على الثانية لعنة مين - [00:38:05](#)



لعنة اللي شبهها اللي كانوا بيخرجوا مع بعض. الصحة اللي كانوا بيتعاونوا على الائم والعدوان. النهاردة تقول له يلا يلا اه شفه هيقول لك ايه يوم القيامة. فيقولوا ايه بقى - [00:38:19](#)

قالوا بل انتم لا مرحبا بكم. انتم قدمتموه لنا فبئس القرار. كان قرار سيء. والقرار السيء بتاع الدنيا جعلنا نستقرار في مأوى صعب يوم القيامة. بئس هذا الاستقرار. فيقولوا ايه بقى؟ ربنا من قدم لنا هذا فزده عذابا ضعفا في النار. ياه - [00:38:29](#)

كان بيقول لك ايه؟ طب اطلع انت من ورا والدك وانا اللي هاشيل لك الليلة دي. لو والدك لو والدتك قالت لك حاجة انا اللي هاشيلك. خلاص؟ قولي لمامتك ما لكوش دعوة ده صاحب - [00:38:52](#)

اعمل كل حاجة وانت تقول انا لهم ده حبيبي فلان ده هو اللي في ايه سبحان الله! ده هيقول ايه يوم القيامة من قدم لنا هذا فزده عذابا ضعفا في النار. كان لي مجلس كده - [00:39:02](#)

اتكلم عن الاتباع يوم القيامة لعلي نشير لي في رمضان. وقالوا ما لنا لا نرى رجالا كنا نعدهم من الاشرار. هو فين الواد ابراهيم؟ وفيه حفصة؟ وفيه عائشة؟ وفيه نورهان - [00:39:18](#)

وفيه اميرة وفيه شيرين؟ البنات اللي كنا نشوفهم في الشارع دي والاولاد زمايلنا وكنا نتريق على عبدالرحمن وصهيب وفارس فين الشباب دول؟ اتخذناهم سخرية هو احنا كنا عايشين على سخرية ومسخرة على هؤلاء؟ ام زاغت عنهم الابصار - [00:39:30](#)

ولا احنا مش شايفينهم ربنا بيقول لك ايه بقى؟ ان ذلك لحق تخاصم اهل النار. هو ده هو ده الحوارات. دول الحوارات بتاعتهم ده جزء من المشاهد اللي هم يعيشوها يوم القيامة - [00:39:47](#)

وايه بقى يروحوا للكبار بتوعهم ويقولوا ربنا يقولوا لربنا ايه؟ ربنا انا اطعنا سادتنا وكبرائنا فاضلونا السبيل. طيب عاوز ايه يعني ده هيعمل ايه؟ ربنا اتهم ضعفين من العذاب والعنهم لعنا كبيرا. ياه! ما فيش حد غالي عليك انك تضيع حياتك - [00:40:01](#)

عليه يوم القيامة. وكله هيسيب كله فسيبهم هنا لحد ما يسيبوك هناك. صدقني والله العظيم هيسيبيوك. هيكونوا ورطوك هنا ويضيعوك هناك وشف بقى الازمة كلها. ان يضيعك هنا ويتوب هو قبل ما يدخل قبره - [00:40:23](#)

ويوقف في توبة. تبقى انت رحت فين؟ في اقصى اليسار وهو عدى زي مين؟ زي عم النبي صلى الله عليه وسلم اللي قال له على دين ابائك كانوا ثلاثة. منهم اتنين اسلموا - [00:40:40](#)

فهو ابو طالب ده قابل الرب جل وعلا على الكفر واللي زقوه رجعوا تابوا الى الله سبحانه وتعالى انتبه ما فيش حد غالي عليك انك تغامر باخرتك عشانه وانت عارف ان احنا عارفين انك عارف ان هم غير صالحين. ما تغامر في قرار الصح - [00:40:54](#)

الله! لان صاحب ساحب لا يسحبك يمين لا يسحبك في حنة تانية ارجو انك تفوق منها قبل ما تقابل ربنا يبقى الاقلاع يبقى اول حاجة قلنا الندم. صح وقلنا الندم ده هيساعدني عنه ايه؟ ان انا اشوف الخسائر اللي انا باخسرها - [00:41:14](#)

الخسائر القلبية والخسائر النفسية والخسائر في علاقتي مع الله. الخسائر دي اخد بالي منها. والخسائر والحاجة التانية قلنا الاقلاع اترك ارضك غير البيئة اعتزل طب ايه علاقة ده برمضان؟ ايه علاقة ده برمضان احنا مقبلين على معركة الالهة - [00:41:32](#)

في اصحاب سوء مستنينك مسلسلات وافلام بيقول لك داخلين معك تحدي مش هتقدر تغمض عينيك. هو من الاول بيقول لك كده انت مش هتقدر تغمض عينيك. مش هيسيبيوك لان هم عندهم مشروع عندهم مشروع دايم الكلام ده من ايام النبي صلى الله عليه وسلم يطوفوا حوالين الكعبة يسفروا - [00:41:52](#)

يسقفوا ليه والغوا فيه وقال الذين كفروا لا تسمعوا لهذا القرآن والغوا فيه لعلكم اه عارفين يغلبون هم عارفين كويس قوي ان في معركة المعركة دي حلها ايه؟ نعمل ايه؟ ده هم هيكسبوننا لا مش عاوزينهم يكسبوا. طب نعمل ايه؟ نعمل ايه؟ نعمل ايه؟ بس يبقى احسن حل - [00:42:14](#)

هنشوش عليهم المصحف. هنشوش عليهم القرآن لا تسمعوا لهذا القرآن والغوا فيه. اعملوا لغو. اعملوا شوشرة. لعلكم تغلبون نسيب له كان زمان بيعملوا صفير وتصفيق وسخرية للي بيقرأوا القرآن في مكة. طب النهاردة مسلسلات وافلام وبرامج ساخرة وماجنة وبتناسب كل الاعمار وكل الاجناس. هيجيبك عند الفطار هيجيبك قبل الفطار في - [00:42:38](#)

الازكار هتجيبك في السحر هجيبك في التراويح هجيبك كل حاجة مش هسيبك وبعدين انا مش هسيبك. ليه لاننا احنا عارفين ان رمضان جاي يغيرك والمصحف هيغيرك والمصحف دي مش حلفان ها يعني المصحف قراءتك للمصحف هتغيرك. ففي معركة وجودية - 00:43:03

ماشي؟ ورمضان ده اقوى اسلحة المعركة فاوعى انت مطلوب منك انك تنتصر ان المصحف ينتصر على الغانية والفاصلة على كل حاجة ينتصر. فيا ترى حملة المصاحف هيستسلموا للبرامج والمسارح - 00:43:22  
يا ترى ابو جهل لما ابن مسعود انتصر عليه عند الكعبة انت هتنتصر وتكون زي ابن مسعود ولا ابن مسعود الاول غلبهم ورفع صوت القرآن رغما عنهم او عى يكون ابن مسعود الاخير اقل عشقا للقرآن منه - 00:43:41  
رمضان ميدان حرب لو كنت تغلو فجاهدهم فيه ما استطعت لازم تاخذ بالك. اقلع اقلع. عشان كده الاقلع اما تترك من الحاجات اللي تساعدك في اقلع في حاجة في الشرع اسمها سد الزريعة. يعني ايه سد الزريعة؟ بصوا يا جماعة تعرفوا كم واحد وقع في الخطأ - 00:43:57

في العلاقات المحرمة كثير صح من الحواذيت اللي بتحكوها لاصحابكم وبتاع واللي منكم له تجارب ربنا يرفع عن الجميع كثير صح؟ التجارب دي بتبدأ بايه؟ بالنز. هل كل واحد يحب ينزر نزة محرمة بيقلع - 00:44:18  
لأ لكن ممكن تنزر ميت نزة او الف نزة عشان النزة اللي بعد الف هتوقعك بس اما بتوقعك بقى بتجيبك لمس كتاف فين الزحليقة بتاعة الدريم بارك؟ بتجيبك للآخر خالص للنهاية. فعشان كده يبجي الشرع يقول لك ايه؟ نقفل باب النز. تبجي انت تقول لي على فكرة آا انا اعرف ناس يا جماعة والله انا ما بنزر - 00:44:34

طول ما بيحصليش حاجة. ما هو انت لو بتنزر كثير ومش بيحصل لك حاجة فحللك عند طبيب نفسي او طبيب ايه؟ آا يعني المهم المهم محللك عند طبيب ماشي فده كده موضوعك. لكن لو انت ما بتنزرش كثير اه هو لسة التراكم. الخلوة مع الاجنبية - 00:44:55  
هل كل واحد بيخلو مع امرأة اجنبية بيحصل خطأ؟ لأ بس كسرة الخلوة بالاجنبية بتورط واسألوا كثير من الشباب اللي بيتخصص في امور نسائية كسرة الشكاوى عندهم والاستشارات بتنم عن هذا - 00:45:12

لان فيه لخبطة عشان كده سدا للزريعة تعمل ايه التليفزيون ده بيحب في رمضان حاجات جميلة قوي في دروس ومحاضرات جميلة. نعمل ايه اقله بخيره وشره لان هو عامل زي الخمر في رمضان كده. شره اكثر من خيره. خلاص؟ الاسم بتاعه اكبر. اقله يا سيدي. باز اعتبره باز ايه اللي هيحصل يعني؟ ماما الله - 00:45:27

الا رامز ان شاء الله هو الشيخ ما يقصدش حاجة رامز يعني هو يقصد حضرتك يعني من بعد ما نيجي من التراويح يعني. كفن التليفزيون بتاعك. كفته. النبي صلى الله عليه - 00:45:50  
وسلم في حديس جميل قوي. بيقول ايه طبعا ده التليفزيون انا مش عاوز اقول اجهزة التواصل لكن هقول خليها تحت السيطرة. يقول النبي من بدا جفا ومن اتبع الصيد غفل - 00:46:00

ومن تتبع ابواب السلاطين افتتن. يعني ايه الكلام ده؟ من بدا جفا. عارفين البدو قاعدين دايم وسط الجبال وبعيد عن الناس وبعيد عن الحضارة وبعيدة عن الياه؟ الازان ما بيسمعوش ازان ما بيسمعوش صلاة جماعة ما بيشوفوش الناس ما بيشوفوش حاجات ما بيشوفوش الحياة. فيحصل ايه - 00:46:13

ياخد من طباع الاشياء اللي هو ساكن فيها فبيشوف الجفاف ده واخدين بالكم شيئا فشيئا خلوا بالكم الكلام الثلاثة دول كلهم كلهم مباح صح؟ انك تطلع في البدو ده مباح. فاللي من بدا او سكن البادية جفى - 00:46:33

دي مباحة ولا مش مباحة؟ لكن النبي صلى الله عليه وسلم بيقول لك شيئا فشيئا يحدث عندك ايه جفاء. ومن اتبع صيد غفل يعني ايه اتبع الصيد؟ الصيد مباح بس قاعد بقى يتتبع الصيد الغزالة راحت الغزالة جت خلي بالك من الصقر امسك الحمامة شف الجمام شف مش عارف ايه - 00:46:50

العصفورة راحت العصفورة جت السمكة فلتت فمش وقاعد دي فريسة من هنا الفريسة من هنا ويجري هنا وبتاع ايه اللي بيحصل له؟

الاجهزة الالكترونية وتتبع الصفحة. خلاص؟ وحركة الايد ديت وانا بحرك صبعي كده على الشاشة عشان يجيب الايه؟ اللي ورا. الاخبار  
اللي ورا كل شوية اعمل ريفريش دي اسمها ايه دي بقى؟ اذا كان اللي بيتتبع الصيد غفل دي اسمها ايه - 00:47:24

خلي بالك خلي بالك الاجهزة دي سراق النعم. الاجهزة دي سراق النعم نزلوا التطبيقات اللي بتحسب لك كل حاجة تشوفك انت بتقضيها فين الاجهزة دي تخش على الدرس تخش على اللقاء لكن تخش تشوف كوريا ايه النهاردة كوريا الشمالية هي دخلت الماتش ولا لسه آآ اخبار اوكرانيا بيقولوا ايه - [00:47:40](#)

اخر اه اخبار اخر برنامج اللي مش عارف آآ لأ خلي بالك. فالبرنامج اسمه ايه ؟ ممكن فيه فيه برامج كتير ده انا شايفه ان هو كويس.

بيجيب لك كل دي - 00:48:01

انت دخلت فين ؟ وانا انصح جميع الالباء يعملوه لاولادهم. مش عشان الحاجات الغلط بس لأ عشان كمان الايه الوقت بيتقضي في ايه فاما الاقي النهاردة ان مسلا ساعة ونص حضرتك مقضيها في الكائن الازرق. انت كنت بتعمل ايه يا عم؟ ده انت لو يعني شغال بالفقس اصل - 00:48:14

ما كتبتش حاجة فانت لو شغال بالفاس كنت عملت حاجة كبيرة يعني. انت بتعمل ايه هنا؟ فتبدأ تعمل كنترول على نفسك لا بس انا كنت في كتير اه طب ليه؟ لان في برنامج انا بسمع قرآن مع زمايلي. انا مش عارف ايه؟ خلاص ما فيش مشكلة. يبقى انت عرفت الخير في - 00:48:33

فالأجهزة دي بتسرق النعم. طب بتسرق ايه؟ انفس ما معك وبتأخذها بالراحة بطريقة مأكرة. ايه مشكلة الاخبار؟ محرقة الاعمار في فرق انك بص تعامل مع الاخبار زي الفهرس لكن تفتح لأ - [00:48:49](#)

خلي بالك تضيع ليه؟ هتضيع عن اوقات وتحليلات بقى وعش وكل خبر لا يؤثر فيك ولا تؤثر فيه انت ليه تنشغل به؟ هي الخناقة اللي دايرة ديت يعنى انت حاسس كده ان انت لما تيجى تقول لى استشهدوا بالله يا بوتين آآ - [00:49:07](#)

انصحك وانا بهدك اهو انا ام شيماء وبخوفك بالله هو تحس كده ان هو متابع فهيروح راجع خطوتين فاكيد مش هيتابع خلاص ويا  
ستى لو هيتابع على تويتر مرة واحدة وخلاص فى شعبان - 00:49:23

وان شاء الله ايه لو يتابع يلحقها يعني. يبقى احنا النهاردة بنقول في الحديث ده ومن تتبع الصيد غفل ان الغفلة دي هتيجي مع الوقت هتيجي مع الوقت قاعد امال تسحب تسحب تسحب تسحب تلاقى نفسك بتموت بمسدس كاتم الصوت. العزم الحاجة -

00:49:36

تالنته العزم والعزم زي ما قلت لكم كده. العزم ده لو سديت الزرائع هيبجي ان شاء الله يبقى قلنا الندم انك تحسب الغبن اللي بيوفوتك. قلنا الاقلاع حالى انك تبدأ تفريق وخاصة انك تشوف البيئة الصالحة. وطبعاً فيه ناس - 00:49:56

كان اظن اقبال كان حكي مرة في قصة كده عارفين الزبي في زبي خاف كان يعني كان عايش في امان وكان حاسس ان ما فيش حد هيصتاده طول ما هو ايه بجوار الكعبة. ماشي؟ كان في ظبي الغزالي يعني. اه. هو - 00:50:16

هرب من الناس وراح ناحية الكعبة. فكان دائما يشعر بالامان طالما هو في الحرم الامن ده ما حدش هيبجي ناحيته وبعدين شوية كده خاف من سواد الكعبة. فطلع برة حرم الكعبة فاصطاده واحد بموته وخده. زينا هاب سواد الكعبة - 00:50:33

فرماه صائد بالثغرة. البيت ده من الروائع بتاعة اقبال رحمة الله عليه هو خلاصة البيت ده اللي احنا بنستفيد منه ان كل انسان بيترك بينات الخير هيصيبه مسلم ما اصاب هذا الزبي. القلب يا جماعة خلق نورانيا - 00:50:50

توجه القلب الى مصدر النور ده ضمان النورانية وعماد هذا بيئة الذاكرين هناك يتيقظ القلب من غفلته ويتجه بكليته الى مولاه فاول ما القلب يغفل عن ذكر مولاه. تبدأ الظلمات دي تتراكم عليه - 00:51:08

وتبدأ حركة الشهوات تتحرك زي الخفافيش لا تقوى على النور ولكن تتحرك في الزلمات. ولو حركة الشهوات دي زادت تطوع الزنب اللى فى قلبك بقصة النداءات المتكررة فطوعت له نفسه. ويبدأ الانسان يمرض - 00:51:29

وانتم عارفين المريض لا يرغب في الحركة ولا في الطعام. صح مش عاوز يتحرك مش عاوز ياكل بي فقد الشهية طعام يعني انا فاكر ايام كورونا وايام التعب تلاقي نفسك ما تحبش تشرب شاي - [00:51:46](#)

رغم ان الشيء انت ممكن تشربه عادي وبتحب تشرب شاي لأ فصلت. ليه؟ فالمريض يفقد الشهية للطعام فكذلك مريض القلب يفقد الشهية للقرآن والمكث في بيت الرحمن. ولذلك دايمًا تلاقيه ملول من كل امر فيه - [00:52:01](#)

ذكر لله ملول مما يذكره بما عند الله لان المرض ييضعف الانسان طب يتدارك بايه؟ بالعلاج يشفى والا الهلاك القلب كده برضه عشان كده المعنى المهم جدا في موضوع الصحة واصبر نفسك مع الذين يدعون ربهم. بالغداة والعشي. ليه النهار عندهم شغل - [00:52:18](#)

يريدون وجهه ولا تعد عينك عنهم الكلام ده لمين الكلام ده لمحمد صلى الله عليه وسلم. عينك ما تترفعش عنهم يا جماعة الجملة دي تحس ان هي اتقالت لام في ابنها الرضيع - [00:52:44](#)

صح لا تعد عينك عنه اوعي عينك تترفع منه. اصحابك الصحة الصالحة لا تعد عينك عنهم انت عاوز ايه تريد زينة الحياة الدنيا ولا تطع من اغفلنا قلبه عن ذكرنا واتبع هواه. ليه - [00:52:57](#)

لأنك هتبقى شبهه وكان امره فرطًا. عارفين يعني ايه فرطًا؟ عارفين كده مع الفارق يعني عارفين السبحة لما تتفرط هي كده برضه. فيه ناس تقعد معها تفرطك تيجي لك لمس كتاف - [00:53:16](#)

اول حاجة امات عندك وتيجي تقول لك ايه ده على فكرة اصله والله العظيم هي بنت محترمة جدا. اقسم بالله ما بتكلم حد في الجامعة الا انا. وعلى فكرة يا ماما اقسم بالله معاز ده - [00:53:32](#)

والله العظيم لما حضرتك تقعد معي هتفتكري مصعب ابن عمير ليه بقى ان شاء الله يا شاهدة؟ اصل معاز ده ما شاء الله عمره ما بيعمل يا ماما عارفة عمره ما يكلم بنت الا انا - [00:53:43](#)

عمره ما يحط ايده على كتف حد الا انا معاز ده وفي يا ماما. سبحان الله! وانا مرة قبل كده قلت له ابعت لك صورة قال لي لا لا ما ينفعش انت منتقبة وما ينفعش اشوف وشك - [00:53:53](#)

ما شاء الله عليك. فييجي الشيطان ايه طب هو عمل ايه قاعد امال يموت عندك. قاعد ويموت عندك ايه واعز الله في قلبك. وانت تيجي تقول لي لو مش هو ما عملش اي حاجة اللي اطفأ مقام الخوف من الله ومقام التعظيم في قلبك لله - [00:54:05](#)

لكفاه جرما فاوعى تترك حرم الاخوة اللي قامت وتهرب لمناطق الحل كأمين الشيطان مستنيك في واحد اسمه معاز مستنينا هو انا يا عم معاز والله ما قصدتك انت ما قدرا يعني - [00:54:22](#)

طيب عشان اختتم الموضوع دوت المعصية يا جماعة مستويات من معصية مستويات لكن ما حدش ياخذ كلامي على الاطلاق وحد يجلد زاته ولا حد يفهم الموضوع على البحري ويكمل العصاة درجات - [00:54:37](#)

في واحد هناك من يقوم بالمعصية عن غلبة شهوة وهو كاره لها يبقى بيعمل المعصية شهوته غلباه. بتغلبه. فهو كاره للمعصية ويقاوم فعلها ويندم على اقترافها ويتبع كل معصية بتوبة واستغفار. ده اللي ممكن نسميه اسمه العاصي - [00:54:55](#)

تائب وده صاحب هدي على خير ما دام على الحال ده كل عام ما يقع يتوب يستغفر يندم يحاول يزاحم المعصية ديت بتوبة يبعد عنها بقدر الامكان يقفل الموبايل غير الحساب يعمل كذا يصعب الزنب عليه - [00:55:17](#)

كان الاول بيقابل الكلام ده على الواتس فيجي يعمل مشاركة للواتس بينه وبين كذا يغير رقمه بيعسر الزنب يبعد بقدر الامكان. لأ ما بقولش بيجلد زاته لان يا جماعة الندم المقعد عن العمل - [00:55:37](#)

غير مطالب في الشرع الندم الدافع للعمل ويفتح شهية الامل فهو ده الندم المطلوب. يبقى الاولاني ده عمل الزنب وهو كاره له مقاوم لفعله دفع كل معصية بتوبة واستغفار. تمام كده؟ واضح؟ يبقى ده اسمه العاصي التاء. فيه واحد بقى ثاني - [00:55:55](#)

بيقوم بالمعصية سرا كالسابق زيه زي الاولاني لكن بلا مقاومة ولا ندم خلاص تسلم على خير تسلم على خير خلاص نتقابل الصبح نتقابل الصبح طب بالليل نتقابل بالليل نتقابل فهو على طول ايه نكمل معه - [00:56:19](#)

هذا همه اخفاء الذنب عن اعين الناس. لا التخلص من الزنب. فاهمين الدرجة دي وده وده يدخل في الدرس اللي احنا قلناه رأسا يعني

الدرس بتاع النهاردة بيكلم ده مباشرة - 00:56:35

ده اسمه العاصي المسر المصر المسر من الاصرار بالذنب يعني بي فعلوا في السر المصر من الاصرار عليه والاصرار دليل عدم مبالاة بالله احد مؤشرات عدم المبالاة بالله وصاحبه على خطر عظيم - 00:56:53

وان السرينة الداخلية شغالة. عارفين السرينة اللي بتكون في المصانع بتقول لك الحق في حريق قادم انتبه! انتبه! ده سرينة بتاعته غلب اعلی صوت واحيانا يجي يستشيرك انك تقول له ايه ده - 00:57:14

جرس الانزار بتاعك عالي قوي ده انا ويعني الطلبة بتاعة ودني هتتخرم يقول لك على فكرة انا مش سامع حاجة ده على خطر عظيم وان ربنا قال والذين اذا فعلوا فاحشة او ظلموا انفسهم اذا اهل التقوى ممكن يعملوا فاحشة وممكن يزلمو انفسهم لكن ذكروا الله فاستغفروا لذنوبهم ومن يغفر - 00:57:30

ذنوب الا الله ولم يصروا على ما فعلوا مش مكمل والذي يتوب ويندم ويقطع سم يعود في غفلة من امره هذا ليس مصر هذا ليس مصر يعني واحد عمل زنب من ست سنين عاد ليه النهاردة - 00:57:50

وهو بين الست سنين دي كان تائب ومستغفر ويبدعي ربنا وتصدق وبتاع فاللي الشخص ده ده مصر؟ لا ليس مصر. تمام؟ النقطة دي مهمة قوي. طيب فيه نوع تالت يقوم بالمعصية جهارا نهارا معلنا انه يعصي الله - 00:58:13

امام اعين الكل هذا دال على انعدام الخوف والحياء وحب الدين من قلبه وهو اسوأ من الصادق بنسبته بقى العاصي المصر المجاهر. يقول النبي صلى الله عليه وسلم كل امتي معافى الا المجاهرين - 00:58:32

وان من المجاهرة ان يعمل الرجل بالليل عملا ثم يصبح وقد ستره الله عليه. فيقول يا فلان عملته البارحة كذا وكذا وقد بات يستره ربه هو هتك الستر الذي بينه وبين الله والله - 00:58:53

حماء واطلق الستر التي بين هذا العاصي والخلق ولكن هذا الانسان يصبح يكشف ستر الله عنه. يعني كانه بيقول لربنا انت ساترني ليه انا عاوز الناس كلها تعرف انا مش فارق معي - 00:59:10

تمام في واحد بقى ما اكتفاه بالكلام ده كله لا حول ولا قوة الا بالله هو في حاجة ممكن تبقى اكبر من كده يا جماعة دي حاجة ممكن تبقى اعلی من كده - 00:59:25

لم يكتفي بفعل المعصية بل يزيد عليها محاولة نشرها والدعوة اليها. وده من حزب الشيطان ده اللي بيتسمى شيطان الانس. طبعاً والدعوة درجات في واحد بيدعو لها مباشرة وده واضح. فيه واحد بينقلها من التحريم للاباحة من خلال الفكر والتزيين وده اخطر - 00:59:36

وفيه واحد رافض اصلاً مبدأ السمع والطاعة والعصيان والطاعة يقول لك حرية وده اخطر المستويات. عافانا الله وإياكم من كل هذا فاعتقد ان التقسيمة دي ممكن تريح ناس كتير في بعض المدارس نحسن ببعضها الظن بيصدروا كلام محتاج مراجعة - 01:00:01

يقول لك بص تعايش مع مع اخيك. تعايش مع الزنب بتاعك. انس معاصيك وكأنها غير موجودة. وكمل في الطاعة ولا يهملك. حجة بقى اصل علم النفس وعشان مش عارف ايه والكلام ده كله. الكلام ده صح ولا غلط؟ سبب القول ده غالباً - 01:00:21

نحسن نحسن الزن بصاحبه لكن حقيقة القول ده بيخلص الشباب من حمقة الانكار على نفسه صح؟ عشان ما يعيش الاحباط لكن عمل ايه بقى؟ وقع في اشكال ضخم قال له كلمة التعايش لفظ جميل لمعنى قبيح - 01:00:38

ايه هو المعنى القبيح؟ الاصرار على الزنب. الاصرار يا جماعة الاهمال لمقام الله الاهمال لمقام الله العزيز الاصرار النسيان والغفلة هو ده الاصرار فليس من الحل ان ان تهرب من الحل باسم علم النفس عشان تحط قاعدة خلاصتها اغضب ربك وانت مرتاح مسرور

وتعايش - 01:00:57

لا الحل انك تدي الشاب والفتاة دي طريقة تفكير صحيحة. عشان تخليه يتعايش مش مع الذنب مع مقاومة الذنب. فاهمين في فرق بين انك تتعايش مع المقاومة وان تتعايش مع الزنب - 01:01:19

مقاومة الزنب فرق سما وارض. ليه بقى؟ لان دي معركة مع الشيطان يرقبها الله وان العبد يتزين لمولاه من خلال الاعداد يقول له يا



رب والله باعد اهو انا يا رب اهو عملت بلوك له. انا يا رب غيرت رقمي. انا يا رب عملت كزا. انا بسأل الشيخ اهو على الخاص. انا بعث  
لحد يساعدي. انا يا رب في في - [01:01:36](#)  
بيني وبين الشيطان معركة وهكسب فيها. فانا يا رب اتزين وباوريك قد ايه ان انا من جندك ويا رب لو اتهزمت فساعود الى الله  
وهعود لك لكي اسبت اني ما زلت من جندك - [01:02:03](#)  
وان انا في في صف اهل الطاعة ضد اهل الشينين المعصية. انا يا رب مش هقف مع الشيطان انا ضده. لان التوبة هي اعلان الولاء لله.  
اعلان الاستمرار في معركة الترقى - [01:02:19](#)  
كل يوم بترقى عادي اتعورت ودخلت المعركة وعورني خدت سيف في ايدي اتعورت تحت عيني بس يا رب انا هقاتل تاني وهقاوم  
تاني يا جماعة في شعور اسمه شعور لزة المقاومة - [01:02:33](#)  
انك بتقاوم بين يدي الله ان الله يطلع من عليائه عليك يراك ان نفسك بتغلبك على الزنب وانت قاعد تقاومها وتجاهدها وتلحق تتصل.  
تقول له الحقني لو سمحت انا افكر في كزا تنصحنى بايه - [01:02:48](#)  
آآ مش عارف ايه عطني سكرني ففي فرق كبير صح في فرق كبير بين واحد متعايش مع الله يريه المقاومة للزنب وواحد متعايش مع  
الزنب ويبغش في علاقته مع الله - [01:03:06](#)  
عشان كده لازم ببقى في يقظة للروح ولو قطعوا رجلي مشيت على العصا وانقطع الاخرى حبوت اليك حبوا وذو دفنوني تحت الفي  
قامة تخلخلت من بين التراب وجئت. فما دمت مجتهدا مرابطا على ثغور التوبة والاستغفار. عاقدا العزم على التجديد - [01:03:21](#)  
والانكسار فلا تيأس اوعى تيأس من تغيير الزات وتهذيب النفس والتزكية. وان زلت قدمك وان ضل فهمك لا تقنط ابدا من مراغمة  
الشيطان. دي عبودية جميلة. انك ترغم الشيطان تجيب مناخيره الارض - [01:03:45](#)  
وان اوقعك في الف زنب فترتفع الف حوبة بتوبة نسأل الله ان يتوب علينا وعليكم ويرزقني واياكم حسن العمل وحسن الاتباع  
وحسن الخلق - [01:04:03](#)